

Volleyball Sâlakumautinnet Angilippaliajut amma Piusippaliallutik Jâringani-kingulliani

Octoberami, Aurora ilauKataugi allalaummijuk KipukKami Makkovimnilu Pinguatuligijinginnut kingulliani Volleyball SâlakumautijuKanniamat. Kaujimajautillugu sâlakumautinnik angilippalianninganik akungani 2009 amma 2010, ilauKataugumajuit unutsilauttut tapvani jârimi, ungatâni 60 atiliuttilugit pinguaKataugumannimut. Kuviasuppugut Kaujitsigiamik akilegutet amma aullaikatannet kenaujaliugutiKatsialaunninginnik pinguatuligijinnik KipukKami Makkovimilu amma Makkovik 2010-imi ilinniavimmi pijagesimajuit. Tamakkua sâlakumautinnet sakKigajalaungitut ikajuttigetsialaungipata ikajuttigijavut, amma nunaliujuit takunnagiattuKattalauttut. Nakummek!



KipukKamiut sivullipausimajut sâlaKallutik



Atuinnaguttunik Makkovimmi



PinguatuKakKâtinnagu atuinnagutjinik Makkovimmi



Ilonnatik pinguatuit pitsianiKalauttut ikajuttigetsialutillu pingguanimmi

Aurora SakKejuk Apitsotitsanik & kiugutitsanillu Nunalinni UKâlaKataunnimini

November 22, Aurora pigiasilauttuk nunalinnut uKâlaKataugiamik Makkovik, Labradorimi taijauulluni “tukisiannik nunalinnut Kanuttogutigijaujunnik.” Tamakkua uKâlaKatigennet âkKisuttaumajut kiugiamik senanik apitsotinnik tusaKattasimajattinik nunalinnit unuttuni jârini uKâlaKataunnitinni nunalinnut Labradorimi.

Ajunnamat, nukKatitsigiaKaKattalaukKugut katimanninik inggavitsaKatsiangimmut silak pitsitsitillugu. Mânnaujuk âkKisuigiallagasuavugut nigiuullutalu utigiamik Labradorimut katimagiattuKataulluta pigianningani 2011.

TungasutsiaKuvatsi ilauKataunnisinni Kanuttolutalu uvatinnik katimaKataulânnisinnik Nutâmi Jârimi. Atânettut naillitisimajut uKâlausiuKattalâttut.

1. Sunauvâ kamausisi avatiliginnimut amma Kanuk pijuKaKattasimavâ?

- Nalunaitsiluni avatiliginnigiKattasimajanginnik Aurora suliaKapviujummi Michelin.
- Aviutigitsialugit piusiuKattasimajut Kaujisanniujummi.

2. KanuilingatitsigajakKâ Michelin-imi suliaKanniujuk nunaup ilusinganek?

- Nalunaitsilutik Michelin-imi suliangugumajunik amma Kanuk Aurora ikullaumititsigasuummangât SuliaKanniup attuinigigajattanganik.
- SakKititsiluni âkKisimausitsanganik sanajaunningani SuliaKapviulâttuk.

3. Kanuk kamagijaulâkKât pujugait suliaKajuKanningani? Pujugait kappianattovât?

- killigiudjiluni Kanuittogajammangât pujugak ujuganniajuKanningani amma sunait atuttauKattalâmmangâta kamagasuannimi.
- AviukKailutik Kaujiausimajunnik asinginnit ujuganniatinnit, ilautillugu otânnatunik ujugannianik, sakKititsigiamik Kanuk pujugak kamagijautsiagajammangât.

4. Kanuk sukkuisot Michelin-imi suliaKajuKanningani attuiniKagajammangât Inunnik amma omajunik?

- killigiudjiluni sukkuisonik ujuganniajuKanningani amma Kanuk sukkuisot kamagijautsiagajammangâta Kanuittailitillugit suliaKattet amma avatiujuk.
- Nalunaitsilutik Kanuk sukkuisot inggaKattamangâta silatigut amma Kanuk kamanniujuk otannatunik ujuganniaviulittuni sakKititsijut Kanuk sukkuisot aigunnangimmangâta Kanitanginnut nunagijaujuuit.



5. Ujagannianijuk sukkuilâkKâ avatiujummik Kanitanginnetunik amma omajunek?

- killigiudjilutik avatimmik paitsiutiugajattunk ujaganniaviujummi.
- AviukKasiillugit Kaujitsiutet mânnamit otânnatunik ujaganniaviujunni sakKititsijunik Kanuk omajuit, sollu mooset tuttuilu, sukkuuniattinagit ujaganniajuKanningani.
- killigiudjilutik inggautiugajattunik (piusigijavut killigiudjigiamik ilimanattumegutaugajattunik amma ikullaumiutiugajattunik Michelin-imi SuliaKajuKanningani).

6. Kanuk suliaKattet paigijautsiagunnaKât ujaganniajuKanningani?

- Nalunaitsiluni ikKananninganik Kanuittailitsigasuanik amma tugâgutigiluattanginnik suliaKattet Kanuittailinitsangit; nukKangatitsigasuanik, malugusunnik amma âkKigiaginnik.
- Nalunaillugit otâttailigiamut piusiugunnatuit.
- Nalunaillugit Kanuittailigutet aulatsigiamik otânnatunik ujagannianimmi Canada-mi.

7. Kanuk Kanuittinnagu aulatitsiKattalâkKisi ujaganniataumajuit amiakKunginneq?

- Nalunaitsilutik piusiugialinnik Kanuittinagit aullatigiangit ujaganniataumajuit amiakKungit Michelin SuliaKapviujummit.
- kamagitsialugit pimmagittumik pilukattuKagajappat amma asikKijuKagajappat sunamik pilukattuKagajappat.
- Nalunaillugit ujaganniataumajuit amiakKungit nottauningit otânnatunik suliaKapviujummi Canada-mi.

8. Kanuk pijuKagajakKâ amiakkutaKautiKapvet sukkuKagajappatâ?

- Nalunaitsilutik Kanuk amiakkutaKautiKapvet sanajauKattamangâta amma Kanuigani kamagiamik amiakkutaKapviujunni nunatsualimâmi.
- Nalunaillugit asikKijuKagajappat sunait pilukagajappata.

9. kinakkut kamaKattavât aulatsinimmik Kanuigani?

- Nalunaillugit piusiugialet Kanuigatik aulatsigiamik Michelin SuliaKapviujumi.
- Nalunaillugit kamagijaunitsangit Michelin-imi SuliaKapviujummi maligatsaliuttinut sullo taijaujut Canadian Nuclear Safety Commission.

10. Kanuk pijuKagajakKâ nukKangatitsinik sakkutauppât?

- Nalunaitsini Kanuk Aurora pinialimmangât:
 - kavamait kamanningit Michelin-imi SuliaKapviujummi Avatet kamagijaunnginni.
 - Sivungagut KaujisattuKalluni, ilautitsilunilu putogigiamut Michelin-imi SuliaKapviujummi.
 - Sivungagut Kaujisannik.



Utittisigiallanik Nunaliujunnet 2010-imi

Tâtsumani jârîmi, Aurora ikajutsilauttut nunaliujunni piusiugalajunnet Sadjugiammiuni Labradorimi amma Upper Lake Melville nunagijanginni. Nunalinni ullusiunnet North West River sidjangani Inoviasiummut NiKitsanik sollu Nain-imi niKitsatâginnik, tugâgutiKalaukKugut tunisigiamik katutjiKatigenninut amma tukisiajattinik ikKanalauattunik inunginnut Labradorip.



Carol Gear, Nunalinni Kaujimatitsigijak Makkovimmi, angiutiKajuk Tunnigusianik Makkovimmi Inoviani NiKitsatâginnimut Aurora AngajukKângata Tulliantit Labradorimi, Ches Andersen.

Tapvani jârîmi, pisittotiKangilagut ikajugiamik:

- KipukKami Labradorimi Ukiumi Pingguanimmik
- Caine's Quest, Makkovik Pingguatingit
- KipukKami Kuviasuannikut UllusiuKatigennet SilakKikut
- Makkovik Ikalunnet Ullusiugutet
- Rigolet-imi kavisilet Ullusiugutauningit
- North West River Sidjangani Ullusiunnet
- 2010 Aurora Volleyball Sâlakkumautinnet, Makkovik amma KipukKak
- Makkovik Moraviamiut katimavingata - 2010 Inoviani NiKitsatâginnik
- KipukKami - 2010 Inoviasiummut
- Nain - 2010 Inoviani NiKitsatâginnit
- Hopedale - 2010 Inoviani NiKitsatâginnit
- Rigolet - St. Timothy's katimavingani 2010 Inoviani NiKitsatâginnit
- Labrador Friendship Centre - 2010 NiKitsasiugasuannet inunnet ilingajutsanik
- North West River Community Centre - 2010 Inoviani sugalannet


TugâgutiKatsiavugut suliaKaKataugiamik nunalinnut amma nunalet katutjiKatigenninnet 2011-imi.

Aurora's Pingguatingit SakKejut 'Movember'

Movember umitânnimut atuttausainnatuk Novemberami jârî tamât kenaujaliugasuallutik amma kamagiamut angutet Kanuittailinitsanginnut - piluattumik Kanimmiasialummik. Tâtsumani jârîmi, Labrador kiggatuttausialaukKuk akungagut Aurora amma Fronteer's ilauKataujonnet Ches Andersen amma Waylon Williams, umitâgasutsialauallutik kenaujaliugasuallutillu. Bruce Dumville, Aurora's AngajukKânga amma CEO, ammalu Steve Ash, Nunanik kamajivut, ilauKataulaummijuk Ches ottugatillugu umittâgiamut, uvingajumik ullungumik, puttunippauKataulauttuk Aurora-mut ilauKataujunnet. Salutijauvutit!



Ches



Waylon



Bruce



Steve

ApitsotitsaKaguvit upvalu uKâlagumaguvit? Uvattinik Kaujitsigitsi:

Happy Valley-Goose Bay
tel: 709.896.6777

Postville
tel: 709.479.9872

Makkovik
tel: 709.923.2204

www.aurora-energy.ca

aurora
energy to change the world